

四庫

全書

四庫

全書

第七〇〇冊

四庫全書

●上海古籍出版社

本冊目次

朱子語類(一)

宋 黎靖德編……………一

朱子語類

欽定四庫全書

子部
朱子語類卷二

詳校官中書臣程炎

刑部郎中臣許兆椿覆勘

總校官中書臣朱銓

校對官助教臣卜維吉

謄錄監生臣魏淳耀

欽定四庫全書

子部一

朱子語類

儒家類

提要

臣等謹案朱子語類一百四十卷宋咸淳庚午導江黎靖德編初朱子與門人問荅之語門人各錄成編嘉定乙亥李道傳輯廖德明等三十二人所記為四十三卷又續增張洽錄一卷刻于池州曰池錄嘉熙戊戌道傳之

欽定四庫全書

朱子語類

弟性傳續蒐黃榦等四十二人所記為四十六卷刊于饒州曰饒錄淳祐己酉蔡抗又袁楊方等三十二人所記為二十六卷亦刊于饒州曰饒後錄咸淳乙丑吳堅採三錄所餘者二十九家又增入未刊四家為二十卷刊于建安曰建錄其分類編輯者則嘉定己卯黃士毅所編凡百四十卷史公說刊于眉州曰蜀本又淳祐壬子王似續編四十卷刊于

欽定四庫全書

朱子語類

徽州曰藏本諸本既互有出入其後又翻刻不一訛舛滋多靖德乃哀而編之刪除重複一千一百五十餘條分為二十六門頗清整易觀其中門人意為增減敘述不確者如包揚錄中論胡子知言以書為溺心志之大弊之類舉為刊削亦深有功于朱子靖德目錄後記有曰朱子嘗言論語後十篇不及前六言六蔽不似聖人法語是孔門所記猶可疑而況後之書乎觀其所言則今他書間傳朱子之語而不見于語類者益多為靖德所刪削鄭任鑰不知此意乃以四書大全所引不見今本語類者指為或問小注之証其亦不考之甚矣乾隆四十四年九月恭校上

總纂官臣紀昀臣陸錫熊臣孫士毅

總校官臣陸費墀

朱子語類原序

晦庵朱先生所與門人問答門人退而私竊記之先生沒其書始出記錄之語未必盡得師傳之本旨而更相傳寫又多失其本真甚或輒自刪改雜亂訛舛幾不可讀李君道傳貫之自蜀來仕于朝博求先生之遺書與之游者亦樂為之搜訪多得記錄者之初本其後出守儀真持庾節於池陽又與潘時舉葉賀孫諸嘗從游於先生之門者互相讎校重複者削之

欽定四庫全書

朱子語類

記謬者正之有別錄者有不必錄者隨其所得為卷帙次第凡三十有三家繼此有得者又將以附于後特以傳散失廣其傳耳先生之著書多矣教人求道入德之方備矣師生函丈間往復詰難其辨愈詳其義愈精讀之竦然如侍燕閒承謦欬也歷千載而如會一堂合衆聞而悉歸一已是書之傳豈小補哉貫之既以鈔諸本以較與聞次輯而俾述其意云嘉定乙亥十月朔旦門人黃榦謹書

嘉定乙亥歲仲凡文惠公持節江左取所傳朱文公先生語錄錄本池陽凡三十有三家其書盛行性傳被命造朝益加搜訪由丙戌至今得四十有一家率多初本去其重複正其訛舛第其歲月刻之鄱陽學宮復考池錄所餘多可傳者因取以附其末合池錄與今錄凡先生平生所與學者談經論事之語十得其九嗣有所得尚續刊之池錄之行也文肅黃公直卿既為之序其後書與伯兄乃殊不滿意且謂不可以隨時應答之語易欽定四庫全書

通書義成於癸巳論孟註問詩集傳成於淳熙丁酉易本義啓蒙成於乙巳丙午之間大學中庸章句或問成書雖久至己酉乃始序而傳之楚辭集註韓文考異成於慶元乙卯禮書雖有綱目脫藁者僅二十有三篇其著書歲月次第可考也家禮編成而逸既歿而其書出與晚歲之說不合先生蓋未嘗為學者道也語孟中庸大學四書後多更定今大學誠意章章蓋未易贅前一夕所改也是四書者覃思最久訓釋最精明道傳世無復遺蘊至其他書蓋未及有所筆削獨見於疑難答問之際多所異同而易書為甚晁澠所錄一編與本義異者十之三四大率多合先君文昭本傳之說文昭謂乾坤之用主於誠敬坎離之用主於誠明世未有通其義者而先生獨稱之其不執一說惟是之從如此故愚謂語錄與四書異者當以書為正而論難往復書所未及者當以語為助與詩易諸書異者在成書之前亦當以書為正而在成書之後者當以語為是學者類而求之斯

得之矣不特此也先生平日論事甚衆規恢其一也至其暮年乃謂言規恢於紹興之間者為正言規恢於乾道以後者為邪非語錄所載後人安得而知之是編也真不為無益而學者不可以不之讀也先生又有別錄十卷所譚者災興以來大事為其多省中語未敢傳而卯火亡之今所存者幸亦一二焉嘉熙戊戌月正元日後學三嵎李性傳書

欽定四庫全書

朱子語類

四

鄱陽所刊先師文公朱先生語錄固欲續池錄所未備然先師之言滿天下二錄所收亦豈能遽盡哉淳祐戊申抗將指江東鄱陽洪叔魯片以其外大父吏部楊公方手所錄寒泉語見示既又於安仁湯叔遜次得其家藏包公揚所錄二公在師門為前輩所錄尚未編入則所遺者亦多矣繼而東陽王元敬似亦以所集刊本見寄又得里中朋友所傳一二家乃悉以次編入為二十卷先師之緒言雖未敢謂無復遺逸然所會粹益富

矣獨念先師又有親自刪定與先大父西山講論之語及性與天道之妙名曰翁季錄者久未得出以流行於世豈斯文之顯晦固自有時乎竊尤有感於此故輒併識其拳拳之意云淳祐己酉中秋日門人建安蔡抗書

子朱子語錄行於世尚矣池錄三十有三家鄱本續錄四十有二家其三十四家池本所未有也再見者兩家錄餘凡六家又後錄二十三家其二十家亦池本所未有也再見者三家合三錄為八十七家及門之士固有如謝先生在程門無錄者其有錄可傳者既如此矣堅

欽定四庫全書

朱子語類

五

末學生晚嘉定癸未甲申間侍先君子官長沙帥西山真先生倅弘齋李先生常進之函丈又事長沙舒先生列岳麓諸生果齋李先生過潭又獲侍講席焉果齋先君子畏友也嘗介以登朱子之門堅錄是多見未行語錄手抄盈篋凡六十五家今四十年矣晚得池鄱本參攷刊者固已多然黃士毅所錄朱子親筆所改定者已

見於輔廣錄中其所自錄及師言則亦三錄所未有
若李壯祖張洽郭道遥所錄亦未有也竭來閩中重
加會粹以三錄所餘者二十九家及增入未刊者四
家自為別集以附續錄後集之末泰華高矣滄海深
矣非有待增益也獨念蚤所聞於父師者罔敢失墜
今幸是錄所已行者如此則其尚有所遺者敢付之
一筆刪去哉亦並行之可也抑堅聞之大易居行先
以學聚問辯中庸篤行先以學問思辯程子以講明

欽定四庫全書

朱子語類
卷之六

六

道義論古今人物為格物致知之首則學非問辯不
明審矣朱子教人既有成書又不能忘言者為答問
發也天地之所以高厚一物之所以然其在成書引
而不發者語錄所不可無也凡讀先生成書者兼攷
乎語錄可也若但涉獵乎語錄而不玩味於成書幾
何而不為入耳出口之資為己之學蓋不然也書於
篇端以諭同志抑以自警焉咸淳初元嘉平之月後
學天台吳堅敬識

右語類總成七十家除李侯貫之已刊外增多三十八
家或病諸家所記互有重複乃類分而考之蓋有一時
之所同聞退各抄錄見有等差則領其意者斯有詳略
或能盡得於言而首尾該貫或不能盡得於言而語脉
間斷或就其中粗得一二言而止今惟存一家之最詳
者而它皆附于下至於一條之內無一字之不同者必
抄錄之際嘗相參校不則非其聞而得於傳錄則亦惟
存一家而注與某人同爾既以類分遂可繕寫而略為

欽定四庫全書

朱子語類
卷之七

七

義例以為後先之次第有太極然後有天地有天地然
後有人物有人物然後有性命之名而仁義禮智之理
則人物所以為性命者也所謂學者求得夫此理而已
故以太極天地為始乃及於人物性命之原與夫古學
之定序次之以羣經所以明此理者也次之以孔孟周
程朱子所以傳此理者也乃繼之以斥異端異端所以
蔽此理而斥之者任道統之責也然後自我朝及歷代
君臣法度人物議論亦略具焉此即理之行於天地設

位之後而著於治亂興衰者也凡不可以類分者則
雜次之而以作文終焉蓋文以載道理明意達則辭
自成文後世理學不明第以文辭為學固有竭終身
之力精思巧製以務名家者然其學既非其理不明
則其文雖工其意多悖故特次之於後深明夫文為
末而理為本也然始焉妄易分類之意惟欲考其重
複及今而觀之則夫理一而名殊問同而答異者淺
深詳略一目前互相發明思已過半至於羣經則
又足以起或問之所未及校本義之所未定補書說
之所未成而大學章句所謂高入虛空卑流功利者
皆灼然知其所指而不為近似所陷溺矣誠非小補
者故嘗謂孔孟之道至周程而復明至朱子而大明
自今以後雖斯道未能盛行於世而誦遺書私淑艾
者必不乏人不至於千五百年之久絕而不續反復
斯編抑自信云

語類成編積百四十卷同志艱於傳錄而眉山史廉叔

願鈔于木士穀之類次雖犯不韙而不復固辭者庶幾
無傳錄之艱也獨池本陳埴一家惟論仁一條接遺文
乃答埴書不當取為類故今不載又輔廣所錄以先生
改本校之則去其所改而反存其所勾者合三十餘條
今亦惟據改本自曾連數至君子所貴乎道者三而注云自此以前皆先生親改亦傳聞之誤
當時雖改定者或有一條析為三四條如寶從周錄所
見先生語之類今則復其舊或士穀所傳本多於刊本
如黃義剛者悉類入而不去文異者則姑注一二條云

一本作某字以上皆與池本異者蓋池本雖黃侯直卿
之所次輯然李侯貫之惟據所傳以授直卿而直卿亦
據所授以加讎校且有增改於已讎校之後者不與焉
故近聞之直卿欲求元本刊改而未能也至於或出於
追述或得於傳聞則文辭之間不無差誤凡此之類讀
者詳考四書及他記錄而折衷其所疑可也惟學類七
卷雖出於臆見而實本先生教人之方後學於此三復
而得夫入道之門則能總會是編而體之於身矣己卯

九月望日門人莆田黃士毅謹識

開禧中予始識輔漢卿于都城漢卿從朱文公最久盡得公平生語言文字每過予相與熟思誦味輒移晷弗去予既補外漢卿悉舉以相畀嘉定元年予留成都度周卿請刻本以幸後學予曰予非敢靳也所為弗敢傳者恐以誤後學耳周卿慨然曰奚至是予曰予知今之學者之病乎凡千數百年不得其傳者今諸儒先之講析既精後學之稗類亦廣而閩潮庸

欽定四庫全書

朱子語類
而序

十

蜀之錐刻者已徧於天下若稍捐費用則立可以充厨牕凡苟有小慧纖能涉其大指則亦能以綴說輯文或以語諸人則亦若稍嘗從事焉者奚必誦先聖書而後為學乎亦取諸此而足矣且張宣公以程子之意類聚孔孟言仁而文公猶恐長學者欲速好徑之心滋入耳出口之弊脫是書之行其無乃非公所云云者乎吾甚懼焉周卿繇是姑徐之後數年竟從予乞本刊諸青衣彼不過余所載十

之二三耳然予且謂周卿曰子其以此意著于篇端俾學者毋襲是弊也其後李貫之判于江東則已十之六七今史廉叔所得黃子洪類本則公之說至是幾無復遺餘矣廉叔將板行以予有志於斯也屬叙所以作予為言嘗以告周卿者廉叔曰然則已諸曰已之無傷雖然安於小成甘於自棄者氣質之偏而無以矯之也而東壘好德之心誰獨無之予前所憂益為世之專事乎耳目口筆苟以譁眾取寵而無志

欽定四庫全書

朱子語類
而序

十一

乎遠且大者也儻不忍自薄其身則無寧深體熟玩以為求端用力之模準者乎今未可概以是為疑而閱其傳蓋遂以此冠篇而併刻之將聽學者之自擇焉子洪名士毅姑蘇人嘗類文公集百五十卷今藏之策府又類注儀禮未成書云嘉定十三年九月丁亥朔臨印魏了翁序

論語一書乃聖門高弟所集以記夫子之嘉言善行垂訓後世朱子語類之編其亦儼是意而為之者也或曰

語必以類相從豈論語意歟曰學而一篇所記多務本之意里仁七章所記皆為仁之方若八佾之論禮樂鄉黨之記言行公冶長辨人物之賢否微子載聖賢之出處亦何嘗不以類哉天下之理同歸而殊塗一致而百慮非有以會而通之則祇見其異耳大傳曰觸類而長之天下之能事畢矣而伊川之誨學者亦必曰將聖賢言仁處類聚觀之然則語類之集其有功於學者多矣新安舊有紫陽書堂而紫陽之書未備也通守洪君勲教授張君文虎相與謀以蜀本語類刊之越二歲而書成郡侯謝工部坐屬余為跋其梗概余不得辭也因僭為之說曰理有可以類通而非可以類止是其自然必有所以然學者因其類以究極朱子之全書使此理融會通貫不格於一事一物而止則無愧於吾夫子觸類而長之訓也若夫憚煩勞安簡佚以為取足於此則朱子固嘗以是為學者病矣烏乎可抑二君推廣私淑之意亦賢矣哉淳祐壬子六月望日蔡抗序

文公朱先生語類一百三十八卷壺山黃子洪取門人所錄語以類相從也先是池本饒本人各為錄間見錯出讀者病焉子洪既以類流傳便於玩索而微言精語猶有所遺似每加訪求得所未見自是朋友知舊知其有心於纂輯亦頗互出所有以見示凡三十有餘家既裒以為纂錄而繼之者尚未艾也似幽居無事蓋嘗潛心而觀之審訂其複重參釋其端緒用子洪已定門目釋為續類凡四十卷或謂前類不為少矣又以續類附益之不已多乎竊謂學固戒於徒博然亦不可以不博而徑約也又況文公先生之道高明廣大致極無遺學者正當盡博約之方而後精微中庸之趣始可漸而求似每觀諸家所錄以其間有淺深故於教告亦有不同其視文公先生之精蘊不能得其全者尚多有之必也篤信好學反復尋繹能知所盡心焉雖以前續之繁固將無所厭歟不然則雖先生平日已著為定論之書尚

有所憚而不肯觀而況於此乎哉然則先生片言半語苟有所傳固不容有所忽而不究其所歸也新安魏史君益鶴山先生之嗣也近以紫陽所刊語類為寄因以續類為請而慨然欲併刊之以全書院之傳布其樂於闡明文公先生之遺訓蓋如此遂舉以屬之且竊識于後庶幾乎與願學之士從事於詳說反約之功云爾淳祐壬子上冬王似序

欽定四庫全書

朱子語類
原序

古

自帝王道化不行於天下而後孔孟道學之傳興孟氏既沒其傳遂泯歷秦漢隋唐至於有宋周程張朱諸君子繼出而後道學復明焉然究其推演性命道德之精微剖析天人事物之蘊奧而折衷羣聖賢之述作俾學者有所據依以為學則功未有盛於朱文公先生者也文公傳註成言至精至粹固已家傳人誦之矣而一時門人進而請益退而各記所聞者其語尤詳其詳辨博喻尤為易曉如此者殆百餘家蜀士李道傳始取而刻

之為語錄肯田黃士毅又因而類分之曰語類語錄之外有續錄後錄別錄語類之外有續類諸書並行錯出讀者病焉最後導江黎靖德叅校諸書去其重複謬誤因士毅門目以類附焉而名曰語類大全凡一百四十卷於是文公遺語備諸此矣惜乎板本今不復傳聞有傳錄者又不免乎亥豕之訛也三山陳君煒自天順庚辰第進士為御史屢欲訪求善本而不得成化庚寅副憲江右始訪於豫章胡祭酒願庵先生家得印本中缺

欽定四庫全書

朱子語類
原序

十五

二十餘卷明年分巡湖東又訪於崇仁吳聘君康齋家得全本而缺者尚一二合而校補遂成全書欲重刻以廣其傳謀於憲使嚴郡余公公喜倡諸同寅各捐俸餘并勸部民之好義者出貲以相其成自今春始工期以秋畢因寓書語予以其故并徵序焉愚謂文公遺語無非諱經論事明理之言也學者不循其言以求至乎聖賢之域則理有不明心無實得豈善學哉惟其不善學也是以性汨於氣私勝而理微注措云為鮮有不戾道

者士習日以卑陋民風日以頹弊而治道不能復古有由然也竊嘗病此而力未能救恒用愧歎而已公暇覽閱秘書喜誦語類以自益因慨見此不早且以不能人有是書為恨何則聖賢格言大訓世非不多而此尤明切易曉可為入道之指南故也陳君有見乎此乃力求是書刻而傳之以惠學者以端其習以為聖朝道化之助其用心豈淺淺者哉而是書之傳今自江右始抑非吾黨之士之幸歟幸矣而不自勉不可有志者誠以文欽定四庫全書

朱子語類
原序

十六

公成言為主而以語類為助博觀精擇以求入道則塗

轍正矣慎毋憚其浩博而止亦毋徒資其博而不實踐

以要其成也因書篇首願與四方之士共勉焉成化九

年癸巳秋九月朔旦彭時序

朱子語類原序

朱子語類門目

理氣

太極陰陽凡形於法象者二卷

鬼神

其別有三在天之鬼神陰陽造化是也在人之鬼神人死為鬼是也祭祀之鬼神神亦祖考是也三者雖異其所以為鬼神者則同知其異又知其同斯可以語鬼神之道矣故合為一卷

欽定四庫全書

朱子語類
門目

性理

論性不論氣不備故先總論人物之性而繼以氣稟之性為一卷古人之學必先明夫名義故為學也易而求之不差後世名義不明故為學也難蓋有終身昧焉而不察者又安能反而體之於身哉故以性情心意等之命名者為一卷仁義禮智等之命名者為一卷共三卷

學

先之以小學為一卷總論為學之方為一卷次論
知行為一卷次專論讀書之法為二卷乃致知之
一端也次則及夫持守為一卷又次則終以行事
為一卷共七卷朱子教人之序如此因啟次第之
即大學致知而后誠意正心脩身誠意正心脩身
而后齊家治國平天下之道也從上聖賢相承定
法不容變易如近世之逞虛言而不實踐乃學者
之罪正原於知之未致非教之失也苟或懲此別
立一法後致知而先行事則其始雖若有近效而
其終之弊必至廢書而流於異端不然所見不充
規模狹隘不過於循默自守而已所謂經綸大經
則無矣非理學之功用也

大學五卷

論語三十二卷

孟子十一卷

中庸三卷

易十三卷

易類悉本卦爻次第上下繫說序卦亦本古注分
章今從本義惟綱領三卷則畧為義例氣數雖並行然
有氣而後有數故先陰陽而數始次之物受形於
氣數故圖書次之易本圖書而畫故伏羲六十四
卦次之而原易之作則本教天下之占故卜筮次
之而所以教天下之占者則假奇偶之體以象吉
凶故象次之此伏羲之易朱子所謂本義也此則
為二卷易始無辭更文王周公孔子而辭始備故
三聖之易越千有餘年至程子而始演易之理邵
子而始明易之數又至朱子而始推易之占故繼
以三子之易然後總論夫讀易之方與夫卦爻等
義可以類推而通者而復終之以人事以明易為
人事用也凡後世之言易者其得失畧次于後使
學者有考焉此則為一卷上經四卷下經二卷下
繫三卷說序雜卦一卷

書二卷

詩二卷

孝經一卷

春秋一卷

禮八卷

樂一卷

孔孟周程張邵朱子

自孔子及顏曾弟子至孟子以周程張子共附為

欽定四庫全書

朱子集注
門目

一卷周程所以上繼孔孟也然後分周子之書為

一卷程子之書為三卷凡係入近思者皆依卷次

第別為二卷其非入近思者以類而從別為一卷

文集附焉張子之書為二卷亦別入近思者邵子

之書為一卷程子門人為一卷楊氏尹氏門人為

一卷羅氏胡氏門人為一卷朱子自論學工夫為

一卷論注書為一卷

已上諸經
存者不入

外任一卷內任一

卷論治道一卷論取士一卷論兵刑一卷論民財

一卷論官一卷訓門人九卷

呂伯恭一卷

陳葉一卷

陸氏一卷

老莊一卷

釋氏一卷

本朝六卷

歷代三卷

欽定四庫全書

朱子集注
門目

戰國漢唐諸子一卷

雜類一卷

作文二卷

朱子語類姓氏

廖德明 字子時
南劍人

癸巳 以後
所聞

池錄 一

饒錄 四十六

輔廣 字漢卿
居嘉興

甲寅 以後
所聞

池錄 二

余大雅 字正叔
上饒人

戊戌 以後
所聞

池錄 三

陳文蔚 字才卿
上饒人

戊申 以後
所聞

池錄 四

李閔祖 字守約
邵武人

戊申 以後
所聞

池錄 五

李方子 字公時
邵武人

戊申 以後
所聞

池錄 六

葉賀孫 字味道
居永嘉

辛亥 以後
所聞

池錄 七八九
十一

欽定四庫全書

朱子語類

潘時舉 字子善
天台人

癸丑 以後
所聞

池錄 十二

饒錄 四十六

董銖 字叔重
鄞陽人

丙辰 以後
所聞

池錄 十三

饒錄 四十六

竇從周 字文卿
丹陽人

丙午 以後
所聞

池錄 十四

金去偽 字敬直
樂平人

乙未 以後
所聞

池錄 十五

李季札 字季子
婺源人

丙申 以後
所聞

池錄 十六

萬人傑 字正淳
興國人

庚子 以後
所聞

池錄 十七

饒錄 四十六

楊道夫 字仲愚
建寧人

己酉 以後
所聞

池錄 十八

徐寓 字居父
永嘉人

庚戌 以後
所聞

池錄 二十

饒錄 四十六

林恪 字叔恭
天台人

癸丑 以後
所聞

池錄 二十二

饒錄 四十六

石洪慶 字子餘
臨漳人

癸丑 以後
所聞

池錄 二十三

徐容 字仁父
永嘉人

辛亥 以後
所聞

池錄 二十四

甘節 字吉父
臨川人

癸丑 以後
所聞

池錄 二十五

黃義剛 字義然
臨川人

癸丑 以後
所聞

池錄 二十六

饒錄 三十八

晏淵 字亞夫
洛陵人

癸丑 以後
所聞

池錄 二十七

龔蓋卿 字夢錫
閩人

甲寅 以後
所聞

池錄 二十九

廖謙 字益仲
衡陽人

甲寅 以後
所聞

池錄 三十

欽定四庫全書

朱子語類

孫自修 字敬父
宣城人

甲寅 以後
所聞

池錄 三十一

潘履孫 字坦翁
居船興

甲寅 以後
所聞

池錄 三十二

湯泳 字叔永
丹陽人

乙卯 以後
所聞

池錄 三十三

林夔孫 字子武
三山人

丁巳 以後
所聞

池錄 三十四

陳填錄已削

錢木之 字子山
晉陵人

丁巳 以後
所聞

池錄 三十六

曾祖道 字國
閩人

丁巳 以後
所聞

池錄 三十七

沈侗 字杜仲
永嘉人

戊午 以後
所聞

池錄 三十八

三十九

郭友仁 字德元
人寓臨安

戊午 以後
所聞

池錄 四十

四十一